



REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION




TVOPINION

Edvard KOLNREKAJ

Drejtor

Prizren



VENDIM

Lidhur me Rastin Nr. 2019/109 – Komisioni i Pavarur i Mediave (KPM) për TV OPINION (Palë Përgjegjëse)

Faktet

1. Komisioni i Pavarur i Mediave (KPM) me datën 28 maj 2013 ka nxjerrë Rregulloren për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01. Me këtë rregullore është përcaktuar mënyra e kategorizimit, sinjalizimit dhe zgjedhjes së kohës së transmetimit të programeve të cilat mund të ndikojnë negativisht në zhvillimin fizik, mental, emocional dhe moral të fëmijëve dhe të miturve.
2. KPM me qëllim të vlerësimit të pajtueshmërisë prej datës 21, tetor 2019 deri me datën 10 nëntor 2019 ka bërë monitorimin e ofruesit të shërbimit media për Palën Përgjegjëse, për të vlerësuar pajtueshmërinë me Rregulloren KPM 2013/01.
3. KPM në bazë raportit të monitorimit të datës 18 dhjetor 2019 ka gjetur se Pala Përgjegjëse ka transmetuar filma artistik, dokumentar, lajme dhe muzikë, ku të cilat nuk i ka paralajmëruar dhe shoqëruar me shenjë përkatëse duke vepruar kështu në kundërshtim me Rregulloren KPM 2013/01.
4. KPM me datën 30 dhjetor 2019 i ka dërguar Njoftim për shkelje me të cilën e ka njoftuar për shkeljet e bëra dhe ka kërkuar të veproj në pajtim me Rregulloren KPM 2013/01. Po ashtu, i ka ofruar mundësinë që brenda afatit prej tre (3) ditësh, pas pranimit të shkresës, të përgjigjet dhe të ofrojë sqarimet e tyre në raport me shkeljet e gjetura.
5. KPM me datën 15 janar 2020 ka pranuar përgjigje nga Pala Përgjegjëse, përmes së cilës theksohet se që nga shtatori 2019 ka bërë riorganizim të stafit dhe ku është punësuar një punëtorë i ri ku i cili gjatë punës nuk ka arritur t'i kryej detyrat e marra prandaj ka ndodhur një lëshim i tillë. Si televizion zotohemi se ky gabim nuk do të ndodhë më dhe do ta zbatojmë këtë rekomandim si dhe do t'i përmbahemi paralajmërimeve me shenjat përkatëse të identifikimit sipas kategorizimit të programeve të përcaktuara me Rregulloren.

Analiza Ligjore

6. Komisioni bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të nenit 3, paragrafi 3, të Rregullores KPM-2013/01

Neni 3, paragrafi 1, i Rregullores KPM-2013/01 përcakton se:

"Shërbyesit media audio-vizuel nuk do të transmetojnë programe me përmbajtje të dëmshme për fëmijët, përveçse në kohën dhe kushtet e përcaktuara me këtë rregullore "

7. KPM bazuar në raportin e monitorimit ka gjetur se Pala Përgjegjëse ka bërë shkelje të nenit 3 paragrafi 1 të Rregullores KPM-2013/01, duke transmetuar përmbajtje të dëmshme programore jashtë kohës së përcaktuar me nenin 3 paragrafi 1 të Rregullores KPM-2013/01. Subjektet transmetuese të cilat transmetojnë TV programe me përmbajtje të dëmshme për fëmijët, obligohen që ato programe ti transmetojnë në kohën dhe kushtet e përcaktuar me Rregulloren KPM-2013/01.

Neni 3, paragrafi 3, i Rregullores KPM-2013/01 përcakton se:

"Subjektet transmetuese të cilat transmetojnë TV programe me përmbajtje të dëmshme për fëmijët, obligohen që ato programe t'i paralajmërojnë me sinjal akustik apo tekstual dhe t'i identifikojnë me simbolin përkatës vizual gjatë tërë kohëzgjatjes së tyre, sipas kategorizimit të programeve në këtë rregullore".

8. KPM, bazuar në raportin e monitorimit ka gjetur se Pala Përgjegjëse ka bërë shkelje të nenit 3 paragrafi 3 të Rregullores KPM-2013/01, duke transmetuar dokumentar dhe filma artistik të cilët nuk i ka paralajmëruar dhe shoqëruar me shenjën përkatëse. Bazuar në nenin 3 paragrafi 3 të Rregullores KPM-2013/01. Ofruesit e shërbimeve mediale të cilët transmetojnë TV programe me përmbajtje të dëmshme për fëmijët, obligohen që ato programe ti paralajmërojnë me sinjal akustik apo tekstual dhe t'i identifikojnë me simbolin përkatës vizual.
9. Prandaj, Komisioni duke u bazuar në faktet dhe analizat e lartpërmendura vlerëson se Pala Përgjegjëse ka bërë shkelje të nenit 3, paragrafi 1, dhe 3, të Rregullores KPM-2013/01.


Vendim

10. Obligohet Pala Përgjegjëse që, duke u bazuar në nenin 3, paragrafi 5, të Rregullores KPM-2013/01, të nxjerrë Kodin Praktik në të cilin do të përcaktojë standardet vetërregulluese për transmetimin e programeve që mund të kenë ndikim të dëmshëm tek fëmijët dhe të miturit, dhe këtë Kod të miratuar ta sjellë në KPM brenda tridhjetë (30) ditësh pas pranimit të këtij Vendimi.

11. Pala Përgjegjëse sanksionohet me Vërejtje, në pajtim me nenin 30, paragrafi 1 të Ligjit të KPM-së, për shkelje të nenit 3, paragrafi 1 dhe 3, të Rregullores për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01.

E drejta për Ankesë

12. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
13. Bordi për Ankesa do t'i merr parasysht vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Muja FERATI
Kryetar



02.03.2020
Datë